

Халь вит

Акв хōтал Ляди āсе ёт халь вит атуңкве сёпитāхтас. Ляди ōвылсёс паты тавēн нётуңкве. Атың халь вит аквписыг аиглы. Юн тāн кāсың тāl яныг фляга халь вит сёпитālсыт.

Тēн мāньхāпыл āврахың вāтан пūхтысыг. Нāңкың урам ūлтта ми́насыг ос хāльйивың тўр вāтан вāглысыг. Та сāвит халь, самт нас вōпсы.

Купья акв хāльйив ляпан ёмантас, кātēтыл акв тов ёл-хассумтастэ. Акв сāв хот хусмаптас, кātпаттатēн пиныстэ ос Лядин тактапастэ.

– Сунсэн, пыгкве, хумус ййв тов сāв похсатам. Аквтоп сёпыр тēп хўрыг. Пāлыг ты покматы! Халь вит атнэ мāk поратэ ты.

– Я, тах ты атың! – Ляди лāви. Такви тыхал нёлантахты, хумус тах атың халь вит аялы.

Āсе карыс тāk хāльйив сўлэ мось яктапастэ, аквта тāра посиң витсамыт нēглапасыт.

– Я, тēламēн элаль тах мины! – Купья лāвыс, тувыл ййв тытн вётрасов ūнттыгпас. Мōт хāльйивыт палт курыскат ос пўтсов нēгумтасыг.

– Ань мось ūрмыгтахтэн, – Ляди нупыл лāвыс. – Хōтал ляльт ūнлахōлэн, исылтахтэн. Туп ул юнсэн! Хўнь кāсалылын хоты хусап тāгиньтас, – аквта тāра яныг ōльпың вётран сōсыгпёлн. Ам ос ты ляпат ёмыгтэгум, сōс кинсэгум.

Ляди сўйпил лўптаң тōсам мāн мосьсян ёл-хуяс, посиң тōрум нупыл нōңхаль сунсанти. Самхал тāра хōтал кātыт такем сāвсыр поссамыг нāңкёгыт. Та ляпат сōюмрись лāсялакв сюргыс ос халь вит курыскатын пāсгантым тав ётэ ōс «кап-кап-кап» суй вāри...

Р.П. Ругин